

Hosea

Propete Hosea gêjam mêtê lau anga gamêñ Israelña kêdaguc propete Amos. En gêjam kôm mêtêña gêdêñ têm ñawapac gêmunñ sin, tañ gesen malac Samaria su gêdêñ jala 721 gêmunñ Kilisi gêmêñ nomña nan. Lau sêjam sakinñ gwam ma sêwi Anôtô sin kêkêñ wapac en ñanôgenñ. Hosea tau gêjam awê mockainñ ma gebe êtu ñadôndônñ êpi launêñ lèn sêwi Anôtô sinña. Anôtônê lau sêwi Apômtau sin kêtôm Hoseanê awê Gomer gêwi en sin kêtû mockainñoña. Mago êtu ñamu Anôtônê têtac gêwiñ tengeñña taê walô nê lau, tec ênam kôm êpi lau Israel e sêmu dëndên en sêna êtiam ma têtû ênê lau êtiam. Anôtônê ñalô ñagêdô, tañ kepen aêacnêñ ñalêlôm nan, gêwa ênê têtac gêwiñ nê launña sa. Anôtô kêsôm gebe “O Israel, aê jawi aôm sin amboac ondod. Aê jandec aôm amboac ondod. Nod ñalêlôm kêkac aê gebe jangôm aôm sec atom, gebe aê têtac gêwiñ aôm kêlêlêc.”

¹ Apômtaunê bin gêdên Beri latu Hosea. En kêkêñ bin tau gêdên Usia agêc Jotam ma Ahas agêc Hesehia sêjam gôlinñ gamêñ Judana, ma Joas latu Jerobeam gêjam gôlinñ gamêñ Israel ña.

Hoseanê awê to nê gôlôac

² Gêdên tañ Apômtau kêsôm bin kêsa Hosea awasunñ kêtû ñamata nan, en kêsôm gêdên Hosea gebe “Ajôc, ôna ma ônam awê mockainño tenñ êtu nêma awê ma ôka ñapalê mockainña lasê gebe lau gamêñ tonecña sêgôm mockainñ kapôên gebe sêwi Apômtau sin.” ³ Amboac tonan en gêja jagêjam Diblaim latuo

Gomer ma enj taê ma kêkôc ñapalê ñac tenj. ⁴ Ma Apômtau kêsôm gêdênj enj gebe “Wê ênê ñaê gebe ‘Jesrel’, gebe ñasawa dambêgenj, go aê jakênj ñagêjô êndênj Jehunê gôlôac êtu dec, tanj enj kêkêc sinj anja Jesrel nanj, ma aê gabe jansenj gôlinj kinja su anja Israelnênj gôlôac. ⁵ Ma êndênj bêc tonanj aê oc japônj Israelnênj talam tulu anja gaboanj Jesrelja.”

⁶ Awê tau taê kêtiam ma kêkôc ñapalêo tenj. Ma Apômtau kêsôm gêdênj Hosea gebe “Wê ênê ñaê gebe ‘Taêwalômêo’. Gebe aê gabe taêc walô gôlôac Israelja e jasuc êsêacnênj binj ôkwi êtiam atom. ⁷ Mago aê gabe taêc walô gôlôac Judanja ma aê, Apômtau, nênj Anôtô, gabe janam êsêac kêsi. Aê gabe janam êsêac kêsi ña talam to tubac ma ña sinj to hos ma lau, tanj sêngônj hos ñaô nanj atom.” ⁸ Gêdênj tanj Taêwalômêo gêwi su sinj nanj, Gomer taê kêtiam ma kêkôc ñapalê ñac tenj. ⁹ Ma Apômtau kêsôm gebe “Wê ênê ñaê gebe ‘Ñoc lau atom’ gebe amac Israel atu aênjoc lau atom ma aê katu amacnêm Anôtô atom.”

Israel êtu wakuc êtiam

¹⁰ Mago lau Israelnênj namba oc êtôm ganjac gwêcja, tanj tanam dônj ma tasa sa dangôm êtôm atom nanj. Ma anja gamênj, tanj sêsôm gêdênj êsêac gebe “Aênjoc lau atom” nanj, oc sêsôm êndênj êsêac gebe “Anôtô mata jali latui amac.” ¹¹ Ma oc sênac lau Juda to lau Israelja sa sêpi tagenj ma êsêac oc sêjalinj nênj laumata tenj sa ma êsêac oc sêpi sêmênj anja gamênj tau gebe Jesrel ñabêc oc êtu bêc kapôênjanô.

2

¹ Amboac tonan̄ asam nê̄m lasitêwai gebe “Anôtônê lau” ma lômio gebe “Apômtaunê taê walô.”

Mockaiño Gomer—mockaiño Israel

² N̄oc n̄apalêac, aten̄ tenemi kêsi-kêsigen̄ — akac tenemi gebe en̄ kêtû aên̄oc awê kêtiam atom ma aê katu ênê akwen̄ kêtiam atom. En̄ êwi nê mockaiño to êtu mandab̄na sin̄. ³ Embe masi, go aê oc jakwalec ênê n̄akwê su e êkô ôli n̄aôma êtôm bêc, tan̄ têna kêkôc en̄ nan̄. Aê oc jan̄gôm en̄ êtôm nom n̄akelen̄ to gasan̄ ma bu êjô en̄ êndu. ⁴ Aê oc taêc walô ênê gôlôac atom gebe nê̄n̄ n̄am kêsêp mockaiño ⁵ gebe êsêac tenen̄i kêtû mockaiño su. En̄ kêkôc êsêac, mago kêsa nê lên̄ maja gêbacgen̄. En̄ kêsôm gebe “Aê jandanguc n̄oc lau-têntac-gêwin̄-aêwaga. Êsêac oc sêkên̄ gên̄ taniñ̄na ma bu to n̄akwê ma obo to niptêkwi ma wain êndên̄ aê.”

⁶ Kêtû tonan̄na aê oc jambôc ênê intêna auc n̄a gên̄ têkwa-têkwa. Aê gabe jamboa tun̄bôm êkô en̄ auc gebe en̄ êsa awê atom. ⁷ En̄ embe êlêti êndanguc nê n̄aci, mago en̄ oc êtôm gebe ê êsêac tôn̄ atom. En̄ oc ensom êsêac, mago êtap nê intêna sa atom. Go en̄ êsôm gebe “Aê oc jamu jandên̄ n̄oc akwen̄ n̄amatanā jana êtiam gebe gamoa gawin̄ en̄ n̄ajam kêlêlêc galoc nec su.”

⁸ Ma en̄ kêjala gebe aê tauc tonec tec kakên̄ polom to wain ma niptêkwi gêdên̄ en̄ nec atom. Ma aê tec kakên̄ silber ma gold n̄anô lasê, tan̄ en̄ kêkên̄ kêtû gêjam sakin̄ Bal nan̄. ⁹ Amboac tonan̄ êndên̄ têm, tan̄ sejon̄ n̄anô nan̄, aê oc jakôc polom to wain, tan̄ kakên̄ gêdên̄ en̄ nan̄ su, ma aê oc jakôc obo

to ñakwê, tañ kakêñ gêdêñ eñ kêtú eñ êkwa nê ôli ñaôma nañ auc. ¹⁰ Go aê jakwalec nê ñakwê su e ôli ñaôma êsa êmoa ênê lau-têtac-gêwiñ-eñwaga sêlic ênê ôli ñaôma ma ñac teñ ênam eñ kési anga ñoc lemoc êngôm êtôm atom. ¹¹ Aê oc jansen ênê bêc êtu samucña samob su êwiñ ênê om kapôêñ ma ênê om êtôm ajôñña to ênê om sabet ma om dabuñ ñagêdô samob. ¹² Aê gabe jansen ênê wainmôkê to jambô su gebe eñ kêsôm gebe “Gêñkaiñ tonañ kêtú ñoc ñaôli, tañ lau-têntac-gêwiñ-aêwaga sêkêñ gêdêñ aê nañ.” Aê oc jakêñ gêñ tau êtu salen ma bôcbôm oc sensen gêñ tau su. ¹³ Aê oc jakêñ ñagêjô êndêñ eñ êtu têm samob, tañ eñ kêlin aê sin nañ, gêdêñ eñ gêsôb gêñmalu gêdêñ Bal nê om ma jagêjam gêlôn tau ña pocawa to gold ma kêlêti kêdaguc nê lau-têntac-gawin-eñwaga e kêlin aê sin. Apômtau kêsôm bin tau tonañ.

Apômtau têtac gêwiñ nê lau

¹⁴ Kêtú tonañña aê gabe jatêlam eñ e jasa gamêñ sawa jana, ma jasôm bin malôña êndêñ eñ. ¹⁵ Anga tônê aê jakêñ ênê kôm wainña êndêñ eñ êtiam ma jakêñ gaboañ Akorña êtu katam takêñ matenña. Anga tônê eñ êjô aê aoc êtôm gêmunña gêdêñ eñ gêmoa awêtakingen, gêdêñ têm, tañ eñ kêsa anga gamêñ Aiguptuñña gêmên nañ. ¹⁶ Êndêñ bêc tônê eñ oc êsam aê gebe “Ñoc akwen.” Eñ êsam aê gebe “Ñoc Bal” êtiam atom. ¹⁷ Gebe aê oc jakôc Balnêñ ñaê su anga eñ awasuñ ma eñ êsam nêñ ñaê êsa êtiam atomanô. ¹⁸ Êndêñ bêc tônê aê oc jamoatiñ poac êndêñ bôcbôm ma moc umbon ñalabuñ ma êndêñ gêñ sêgalabña sêmoa nom ma jansen talam to tubac

ma sinj su anja gamêñ samob ma jakêñ aôm ôsa taôm sic towamagenj.

¹⁹ Aê oc janam aôm ôtu ñoc awê endenj tôneñ.

Aê oc jamoa jawiñ aôm mansañ to êndêngeñ ma têtac gêwiñ to taêc walô aôm ñanô.

²⁰ Aê oc janam aôm ñañêngeñ. Ma aôm oc ôjala gebe nêñ Apômtau aê.

²¹⁻²² Êndênj bêc tonañ aê oc jajô ñoc lau Jesrel nêñ mec teteñña, ma jakêñ kom ênac êsêp nom ma nom oc êkênj polom ñanô ma wain ñanô to katêkwi ñanô.

²³ Ma aê, Apômtau, jasê Jesrel êsêp nom gebe êtu aênoc gêñ.

Ma taêc walô awê “Taêwalômêo”, ma jasôm êndênj ñac “Ñoc lau atom” gebe” ñoc Lau amac”, ma êsêac sêsôm gebe “Ma Anôtô aômgor.”

3

Hosea agêc awê mockaiño

¹ Apômtau kêsôm binj gêdênj aê gebe “Ôna êtiam ma têtac êwiñ awê tenj, tanj ênê akwenj têtac gêwiñ enj nanj, mago gêgôm mockaiño. Têtac êwiñ enj êtôm aê, Apômtau, têtac gêwiñ Israel gamoa. Israel tonañ sêjam tauñ ôkwi gêdênj anôtôi ñagêdô ma sebe sêkênj polom ñakana ñakelenj êndênj êsêac êtu da.” ² Amboac tonañ aê gajam ôli enj ña silber 15 ma polom ñanô ñadônj 7. ³ Aê kasôm gêdênj enj gebe “Aôm ômoa ôwiñ aê ñasawa baliñ ma ôtu mandab atom. Aôm ônêc ôwiñ ñac tenj atomanô ma aê amboac tonanjenj.” ⁴ Ñam gebe bêc taêsam lau Israel oc sêmoa tonênj kinj masi ma kasêga

masi, nêḡ da masi me nêḡ alê dabuḡ masi, nêḡ kapoac sêpucḡa masi to nêḡ gwam masi, gebe têtû kênac têm ḡamuḡa. ⁵ Êtu ḡamu lau Israel oc sêmu sêmêḡ ma sensom nêḡ Apômtau Anôtô ma nêḡ kin Dawid. Êndêḡ noc tonanḡ êsêac sêndêḡ Apômtau to ênê moasiḡ ḡajam totêtêc taugenḡ.

4

Apômtau kêsôm lau Israel

¹ Amac lau Israel, anô Apômtaunê biḡ. Gebe Apômtau kêsôm lau tonecḡa tonamgenḡ. “Biḡ ḡanêḡ to têtac êwiḡ gêc gamêḡ tau atom ma êsêac sêjala Anôtô atom amboac tonanḡenḡ. ² Mago êsêac sêpuc boa lau to sêsau biḡdansanḡ ma sêjac ḡamalac êndû. Êsêac sêjam genḡenḡ to sêgôm gêḡ mockaiḡo to mockaiḡḡa. Gêḡ ḡaclai sec gêjam sêga ma sêjac ḡamalac sêjac ḡawae. ³ Amboac tonanḡ gamêḡ tau gêjam tanḡ sa ma lau samob, tanḡ sêḡgôn gamêḡ tau nanḡ, têtû palê e sênanḡa. Bôc tokaiḡ-tokaiḡ samob to moc, tanḡ sêmoa umbonḡ ḡalabu nanḡ, ma i, tanḡ sêmoa gwêc ḡalêlôm nanḡ, samob oc sênanḡa.”

Apomtau kêsôm dabuḡwaga

⁴ Apômtau kêsôm gebe “Teḡ êsôm to êmêtôc lau atom, aêḡoc biḡ gêdêḡ amac dabuḡwaga tec gêc. ⁵ Amboac tonanḡ aôm ônac taôm êndû êndêḡ oc ma propete oc ênac tau êndû êndêḡ êmbêc êwiḡ aôm. Ma aê oc jansenḡ aôm tênam su amboac tonanḡenḡ. ⁶ Aêḡoc lau sêjanḡa gebe sêjam kauc aê. Aôm kôbaliḡ mêtê tokauc siḡ, tec aê oc jambaliḡ aôm siḡ amboac tonanḡenḡ. Aê jatiḡ aôm su anḡa kôm dabuḡwagaḡa. Aôm kôliḡ nêḡ Anôtô nê biḡsu

siñ, tec aê oc jalinj aômnêm gôlôac siñ amboac tonanjen.

⁷ “Êsêac têtû taêsam, ma nêñ sec, tañ sêgôm gêdênj aê nanj, kêtû sêga. Amboac tonan aê oc janam êsêac waenj ôkwi atu binj majenja êndênj êsêac naan-naanj. ⁸ Aênoc lau nêñ sec kêtû êsêacnênj mo ma êsêac matenj katu ñoc lau nêñ keso. ⁹ Amboac tonan gênj, tañ êtap lau tau sa nanj, oc etap lau dabunwaga sa amboac tonanjen. Aê oc jamêtôc êsêac êtôm nêñ lênj ma jakênj ñagêjô êtôm gênj, tañ sêgôm nanj. ¹⁰ Êsêac oc sêninj gênj, mago êôc êsêac tônj atom. Sênjgôm gênj mockainja to mockainjo, mago sêka gôlôac lasê têtû taêsam atom gebe sêwi aê Apômtau siñ ma sêjam sakinj gênj mockainjo.”

4:11–5:3 Apômtau kêpuc boa anôtôi jaba ñasakinj.

5

Hosea kêkênj puc kêtû sakinj gwamja

⁴ Sec tañ êsêac sêgôm nanj, gêsô êsêac tônj, tec gêjac jao gebe sêmu dêndênj nêñ Anôtô sêna. Ma ñalau mockainja gêc êsêacnênj ñalêlôm, tec sêjala nêñ Apômtau atom. ⁵ Nêñ tetoc taun saña kêsôm Israel lasê. Lau Epraim nêñ sec gêgôm êsêac sêka keso e sebenj ma lau Juda sebenj sêwiñ êsêac. ⁶ Êsêac oc sensom nêñ Apômtau ña nêñ domba to bulimakao, mago oc têtap enj sa atom, gebe enj kêkac tau su anja êsêacnênj. ⁷ Êsêac sêsa Apômtau auc ma sêkôc ñapalê ñacdu. Tec ajônj wakuc oc êndanjgônj êsêac to nêñ nomlênsêm samob.

Siñ gêc Juda to Israel ñasawa

⁸ Anac dauc êtanj anja Gibeá. Anac dauc êtanj anja Rama. Amôêc kapôênj anja malac Bet Awen.

Atakê Benjamin. ⁹ Epraim oc êtu gamêñ gasañ tenj êndên béc jakên ñagêjôña. Aê oc jasôm binj, tanj ñanô êsa binjñanôgenj nanj, lasê êndên Israelnên gôlôacmôkê.

¹⁰ Laumata Judaña têtôm lau, tanj sêjam nom ñamadinj ôkwi, tec aê oc jakêc ñoc têtac ñandanj êpi êsêac êtôm bu nanj. ¹¹ Êsêac sêkôninj Epraim tøj. Sêkôc ênê gamênj, tanj enj gêwê kainj jagêdênj nanj, su ñam gebe enj gêja gêdênj lau, tanj têtôm gebe sênam enj sa atom nanj. ¹² Mago Epraim gêlic aê amboac bulesenj ma Juda gêlic aê amboac têmoa.

¹³ Gêdênj tanj Epraim kêsaê nê gêmâc ma Juda kêsaê nê kamoc nanj, Epraim gêdi gêja Asuria ma kêsakinj binj gêdênj kinj kapôênj. Mago enj kêtôm gebe êngôm êsêac ôlinj ñajam êsa me êngôm nêñ kamoc emo atom. ¹⁴ Aê oc jatôm lewe tenj êndênj Epraim ma oc jatôm lewe wakuc êndênj Juda. Aê, aê tauc jakac êsêac popoc ma jaêc jana. Aê jakôc êsêac jana ma tenj êtôm gebe ênam êsêac sa atom. ¹⁵ Aê gabe jamu jana ñoc gamênj êtiam e êsêac sêjala nêñ keso to sensom aê lanjôcanô. Embe sêpô lêna taunj oc sensom aê ma sêsôm gebe

6

¹ “Ajôc, aêac tamu dandênj Apômtau tana êtiam, gebe enj kêkac aêac popoc, enj oc êngôm aêac ôlinj ñajam êsa êtiam. Enj gêjac aêac ôlinj lasê, mago enj oc ênsambanj aêacnênj kamoc. ² Béc luagêc ênaña acgom, go enj êngôm aêac matenj jali êsa. Êndênj béc êtu têlêac enj oc êñu aêac sa gebe tamoa enj lanjônêmña. ³ Tajala Apômtaumanj, dangôm tanac ñawae gebe tajala Apômtau. Enj oc mênjêô lasê

binñanôgen amboac gelenmata ma êndên aêac amboac kom, amboac kom ñamuña, tañ kêmalôm nom nañ.”

Apômtau gêjô bin

⁴ “O Epraim, aê jañgôm asagen êndên aôm. O Juda, jañgôm aôm amboac ondoci. Nêm têmtac gêwiñ aê amboac tao gelenmataña ten ma amboac manin, tañ kêpa gêdên oc kêpigen nañ. ⁵ Kêtu tonanña aê kasakin ñoc propete gebe sênac êsêac, tañ gajac êsêac êndu ña aê aoc ñabin nañ. Ma ñoc mêtôc mênêpi amboac oc ñawê. ⁶ Aê gabe jalic nê da atom, gabe jalic amacnêm têmtac gêwiñ tengeñña. Ñoc lau sêjala aênna tonan ñanô kêlêlêc sêkên daja su.”

6:7–10:15 Ñasêbu tonec gêjac min gebe Apômtau kêmtôc nê lau Israel kêtu nêñ secña ma kêtu sêjac nêñ kin ênduña. Ñagêjô oc êtap êsêac sa kêtu taên kêka ñaclai jabaña ma kêtu sêjam sakin gwamña amboac tonanjen.

11

Anôto têtac gêwiñ nê lau, tañ sêli taun sa nañ

¹ “Gêdên tañ Israel ñapalêgen nañ, aê têtac gêwiñ en ma gamôêc ñoc latuc anga Aiguptu gêmên. ² Aê gamôêc-gamôêc en, mago en gaja ec-gêja ec ma kêkên da gêdên Bal ma da ñamalu gêdên gwam. ³ Aê tec kadôn Epraim gebe êsêlên. Ma kasip en sa. Mago êsêac sêjala gebe aê gagôm êsêac ôlin ñajam kêsa nañ atom. ⁴ Aê gajam gôlin êsêac ña gôlin taê walônna to gaê êsêac ña lêpoa têtac gêwiñña. Aê gajam êsêac sa gebe kion, tañ gêsac êsêac gêsuntêkwa

naŋ, êkôniŋ êsêac tôŋ atom ma gawec ma galôm êsêac.

⁵ “Êsêac sedec gebe sêmu dëndêŋ aê sêmêŋ, amboac tonan oc sêmu sêna Aiguptu êtiam, ma Asuria ênam gôlinj êsêac. ⁶ Sinj oc êsa anja nêŋ malac ma ensen nêŋ malac ŋakatam ŋawalô ma êndanğonj êsêac su anja nêŋ malac ŋajaŋa ŋalêlôm. ⁷ Aênjoc lau sebe sêkac taun su anja aênjoc sêmoa, amboac tonan kionj ênsac êsêac gêsuntêkwa ma tenj êoc su atomanô.

⁸ “O Epraim, aê jawi aôm sinj amboac ondoci. O Israel, aê jakêŋ aôm êndêŋ lau tentenlatu amboac ondoci. Aê janğôm gêŋ, taŋ gagôm gêdêŋ Adma naŋ, êndêŋ aôm amboac ondoci. Aê janğôm gêŋ, taŋ gagôm gêdêŋ Seboim naŋ, êndêŋ aôm amboac ondoci. Aênjoc ŋalêlôm kêkac tau ôkwi ma taêc walô aôm kêlêlêc su. ⁹ Aê oc janğôm ŋoc têtac ŋandan kapôênj ŋanô êsa atom. Aê gabe jansenj Epraim su êtiam atom. Gebe aê Anôtô, aê ŋamalac atom. Aê ŋac dabun, taŋ gamoa aôm ŋalêlôm naŋ, ma aê jawac êtu jansenj sunja atom.”

11:10–13:3 Anôtô êmêtôc to êmasuc nê lau êtu nêŋ lêŋ alôb-alôbŋa ŋabinj ŋagêdô gêc ŋasêbu toneci. * to Gomora.

13

Mêtôc ŋamuŋa kêpi lau Israel

⁴ “Aê Apômtau, aômnêm Anôtô, gêdêŋ taŋ aôm gômoe Aiguptu naŋ. Aôm kôjala Anôtô tenj gêwiŋ atom, aê taucgenj ma Kêsiwaga tenj gômoe atomanô. ⁵ Aê gajam aôm sa anja gamêŋ sawa to gamêŋ

* 11:9: Adma to Seboim, malac luagêc tonanj sêjaŋa sêwiŋ Sodom

ņakelen. ⁶ Mago gêdêņ taņ sêsô gamêņ ņajamanô tau naņ, seņ gêņ gêôc êsêac tôn. Ma gêdêņ taņ seņ gêôc êsêac tôn naņ, go tetoc taun sa ma sêlin aê sin. ⁷ Tec aê gajam duc êsêac amboac lewe ma gadib êsêac aņga intêna ņamagê amboac pusip saleņņa leopard. ⁸ Aê oc jajanda amac amboac bôc ber têna teņ, taņ sêkôc ênê ņalatu su naņ, jajanda ma jakac êsêac ôlin lasê ma jandanğôn êsêac amboac lewe kêdanğôn gwada ma amboac bôcbôm êkac êsêac popoc.

⁹ “O Israel, aê oc jansen amac su. Asa êtôm gebe ênam amac sa. ¹⁰ Amacnêm ņagêdô sêsôm gebe ‘Ôkêņ kin to gôlinwaga êndêņ aêac’ ma galoc nêm kin gêmôa ondoc gebe ênam amac kêsi. Nêm gôlinwaga, taņ sênac sin êtu amacņa naņ, sêmôa ondoc. ¹¹ Kêtu ņoc têtac ņandanņa aê kakêņ kin teņ gêdêņ amac ma kêtu ņoc ņalêlôm kêbôli aucņa aê kakôc eņ su.

¹² “Aê kakic Israelnêņ sec to keso tôn, ma gajac ênê sec sa to gajob. ¹³ Gabêsi mênğêô lasê kêtu eņņa, mago eņ latu masi, gebe galoc eņ gedec gebe êwi ņaabêlôn sin. ¹⁴ Aê oc janam êsêac kêsi êndêņ lamboam atom. Jakac êsêac su aņga ņaclai gêmăcanôņa atom. Gêmăcanô, nêm ņaclai gêc ondoc. Lamboam, nêm ņaclai onsen suņa gêc ondoc. Aê taêc walô lau tonec êtiam atom. ¹⁵ Epraim oc êtôp amboac sin, mago mu oc kêpiņa oc êmên, Apômtaunê mutêna oc êô lasê aņga gamêņ sawa, go êņğôm ênê bumata êpa ma ênê bu ņamôkê ņakelen êsa ma êjanğo awamata samob su aņga ênê kanom. ¹⁶ Samaria oc êôc nê ņagêjô êtu gêli tau sa gêdêņ nê Anôtônņa. Sin oc ensen êsêac su. Oc sênac êsêacnêņ ņapalê ņasec-ņasec popoc ma sêsêlê lauo, taņ sêmôa teņ naņ, nêņ têtacwalô.”

14

Hosea gélêṅ biṅ lau Israel

¹ O Israel, ômu ôndêṅ Apômtau, aômnêm Anôtô, ôna gebe nêṁ sec gêgôm aôm gôjac taôm êndu. ² Ômu ôndêṅ Apômtau ôna ma ôkôc biṅ tonec êwiṅ. Ôsôm êndêṅ eṅ gebe “Ôsuc ma keso samob ôkwi gebe ṅalêlôm ṅajam êsa ma akêṅ awenṣun ṅalambiṅ êtu da êndêṅ aôm. ³ Asuria ênam aêac sa atom. Aêac naapi aṅgôṅ hos ṅaô atom. Ma aêac oc asôm êndêṅ lemeṅ ṅakôm gebe ‘Aêacnêṅ Anôtô’ naṅ êtiam atom gebe aôm taômgeṅ taêm walô mosêbu.”

Apômtau gêjac mata moasiṅ wakuc gêdêṅ Israel

⁴ “Aê gabe jaṅgôm êsêacnêṅ gêmac sêwi aê siṅṅa ṅajam êsa. Aê oc têtac êwiṅ êsêac janac ṅawaegen gebe ṅoc têtac ṅandan kêkac tau su aṅga êsêacnêṅ. ⁵ Aê oc jatôm maniṅ êndêṅ lau Israel. Nêṅ ṅaola ênac lêtêṅ amboac mênamiṅ ma nêṅ ṅawakac êsêlêṅ êsêp nom amboac kalelon ṅawakac. ⁶ Êsêacnêṅ ṅasêli oc esewec, nêṅ ṅakatu amboac katêkwi ṅakatu ma. nêṅ ṅamalu amboac môsê Lebanonṅa. ⁷ Êsêac oc sêmu sêmêṅ sêṅgôṅ aêṅoc ajuṅlabu êtiam. Êsêac oc têtôm amboac kôm ṅajam teṅ ma sênam ṅaola amboac kôm wainṅa teṅ. Ma nêṅ wain ṅanô êtu wain towae amboac wain Lebanonṅa. ⁸ O lau Israel, aêagêc gwam ma asageṅ ṅagêdô gêdêṅ tauṅ. Aê taucgeṅ jajô aômnêm biṅ ma janam jaom aôm. Aê katôm ka, naṅ ṅalaun ṅamajaṅ ṅapaṅ ma nêṁ moasiṅ samob gêmêṅ aṅga aêgeṅ.”

⁹ Asa kêtû ṅac tokauc gebe êjala gêṅ tonec. Asanê kauc kêsa gebe êlic gêṅ tonec. Apômtaunê intêna

solop ma laugêdêŋ oc sêsa intêna tau, mago lau
alôb-alôb oc sênac taunġ êndu.

BIBOLO DABUN
The Holy Bible in the Yabem language of Papua New
Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 11 Nov 2022 from source files dated 9 Oct 2020

447e01c5-a375-5452-ae54-b3f890293eeb